

**XIV RADNA SJEDNICA UPRAVNOG ODBORA
Javne ustanove Bosansko narodno pozorište Zenica**

Z A P I S N I K

MJESTO: **zgrada Javne ustanove Bosansko narodno pozorište Zenica,
Trg Bosne i Hercegovine broj 3, Zenica,
II sprat, Kancelarija broj 45**
DATUM: **ponedjeljak, 25. 03. 2024. godine**
VRIJEME: **15.30 h**

Sjednici prisustvuju:

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

ZAPISNIČARKA:

4. **Selma Tabaković-Jašar**, voditeljica Pravne službe JU BNP Zenica.
Sjednici prisustvuje i direktor BNP Zenica, **Miroljub Mijatović**.

Dnevni red:

1. Usvajanje Zapisnika sa 13. radne sjednice;
2. Kraći izvještaj o realiziranim i planiranim programsko-repertoarskim aktivnostima, učešću u realizaciji 27. Međunarodne kulturne manifestacije „Zeničko proljeće 2024“ Zenica i pripremi XXIII festivala bh. drame Zenica 2024. – *izvjestilac*: direktor JU BNP Zenica;
3. Razmatranje odredbi Pravilnika o dugoročnom zakupu prostora u JU BNP Zenica radi prijedloga eventualnih izmjena i dopuna;
4. Dostava na usvajanje godišnjeg Izvještaja o radu JU BNP Zenica uz Zaključak o ocjeni rada direktora;
5. Dostava prijedloga direktora br. 375/24 o izmjeni i dopuni Pravilnika o načinu prodaje, cijeni ulaznica i popustima, uslovima najma prostornih kapaciteta, utvrđivanju kriterija za dodjelu pozivnica i gratis ulaznica;
6. Informacija o upućivanju radnika portirske službe koji rade noću na periodični ljekarski pregled u skladu sa članom 41. stav (3) Zakona o radu Federacije BiH – *izvjestilac*: direktor JU BNP Zenica;
7. Informacija o postavci vanjskog LCD reklamnog ekrana/displeja – *izvjestilac*: direktor JU BNP Zenica;
8. Razno.

ZAKLJUČAK: Upravni odbor JU BNP Zenica jednoglasno usvaja Zapisnik sa trinaeste radne sjednice, koji je prethodno dostavljen elektronskim putem.

2. Kraći izvještaj o realiziranim i planiranim programsko-repertoarskim aktivnostima, učešću u realizaciji 27. Međunarodne kulturne manifestacije „Zeničko proljeće 2024“ Zenica i pripremi XXIII festivala bh. drame Zenica 2024;

Informacija 1: Direktor JU BNP Zenica informiše Upravni odbor o okvirnom planu rada u naredne četiri godine, a tokom kojeg je planirana priprema i premijerna izvedba najmanje jednog većeg pozorišnog projekta u pozorišnoj sezoni, koji bi podrazumijevao angažman značajnih rediteljskih imena.

Informacija 2: U okviru 27. Međunarodne kulturne manifestacije „Zeničko proljeće 2024“ Zenica, kao i do sada u pripremi dijela teatarskog programa aktivno učestvuje i JU Bosansko narodno pozorište

Zenica, te su dogovorena gostovanja predstava ansambla iz Kragujevca, Virovitice i Mostara. Na ime realizacije gostovanja, Grad Zenica će osigurati i dodatna namjenska sredstva.

Informacija 3: Što se tiče pripreme XXIII festivala bh. drame Zenica 2024., selektor je uspješno odgledao više od polovine prijavljenih predstava, od ukupno 10 uz jednu predstava u koprodukciji JU BNP Zenica i MESS-a, pod nazivom „Kiselina“ prema tekstu autorice Asje Krsmanović, a koja će uskoro biti u pripremi za premijernu festivalsku izvedbu.

Objava selektovanih predstava za XXIII festival bh. drame Zenica 2024. godine planirana je za utorak, 09. aprila 2024. godine.

ZAKLJUČAK: Upravni odbor JU BNP Zenica prima na znanje dostavljene informacije.

3. Razmatranje odredbi Pravilnika o dugoročnom zakupu prostora u JU BNP Zenica radi prijedloga eventualnih izmjena i dopuna;

ZAKLJUČAK: Upravni odbor JU BNP Zenica je razmatrao i usvojio izmjene člana 7., 11. i 25. Pravilnika o dugoročnom zakupu prostora u JU Bosansko narodno pozorište Zenica (broj: 527/23 od 30. 05. 2023. godine). Predmetne izmjene odnose se izmjenu dokumentacije koju je zainteresirani ponuđač dužan dostaviti odmah uz prijavu na javni oglas i dio koji dostavlja naknadno, ukoliko bude izabran (član 7.).

S obzirom na određena ograničenja i uslove zakupa, posebno u dijelu prilagođenosti predstavama i programima na scenama JU BNP Zenica te i dijela programskog sadržaja koji bi se u organizaciji sa JU BNP Zenica ili samostalno realizirao u prostorima *Kabare kluba*, Upravni odbor JU BNP Zenica donosi odluku o umanjenju cijene zakupa na iznos =1.056,00 KM te usvaja da se ista isplaćuje tokom 10 mjeseci, izuzevši mjesec juli i avgust (član 25. Pravilnika).

U slučaju da prvobitno ne bude dostavljena niti jedna ponuda ili ako iste ne ispunjavaju uslove javnog oglasa, Upravni odbor može prije ponovne objave javnog oglasa, a po donesenoj posebnoj odluci sa obrazloženjem, razmatrati naknadne pismene zahtjeve zainteresiranih lica, dostavljene najkasnije do kraja tekuće pozorišne sezone (član 11. Pravilnika).

U okviru ove tačke dnevnog reda član Adis M. takođe ističe da cijena ne može biti naknadno umanjena na ime ulaganja izabranog zakupca te da isto u cjelosti finansira zakupac.

4. Dostava na usvajanje godišnjeg Izvještaja o radu JU BNP Zenica uz Zaključak o ocjeni rada direktora;

ZAKLJUČAK: Izvještaj o radu JU BNP Zenica dostavljen je prethodno elektronskim putem na e-mail adrese članova Upravnog odbora JU BNP Zenica. Nakon uvida u isti, Upravni odbor donosi zaključak o usvajanju Izvještaja o radu JU BNP Zenica.

Takođe, rad direktora JU BNP Zenica i saradnja sa Upravnim odborom u prethodnoj godini su ocijenjeni pozitivnim, o čemu se donosi poseban zaključak sa detaljnim obrazloženjem.

5. Dostava prijedloga direktora br. 375/24 o izmjeni i dopuni Pravilnika o načinu prodaje, cijeni ulaznica i popustima, uslovima najma prostornih kapaciteta, utvrđivanju kriterija za dodjelu pozivnica i gratis ulaznica;

ZAKLJUČAK: Upravni odbor usvaja prethodno dostavljeni Prijedlog direktora br. 375/24 kojim se predlaže uvećanje cijena ulaznica za premijerne izvedbe predstava sa =10,00 KM na =15,00 KM, odnosno cijena repriznih izvedbi na =10,00 KM, umjesto dosadašnjih =7,00 KM, a popust bi umjesto 40%, iznosio =50% za utvrđene grupe stanovništva.

Primjena navedenih cijena ulaznica počinje sa danom otvorenja 27. Međunarodne kulturne manifestacije „Zeničko proljeće 2024“ Zenica, odnosno od 12. aprila 2024. godine.

6. Informacija o upućivanju radnika portirske službe koji rade noću na periodični ljekarski pregled u skladu sa članom 41. stav (3) Zakona o radu Federacije BiH – izvjestilac: direktor JU BNP Zenica;

Informacija: Direktor JU BNP Zenica obavještava Upravni odbor JU BNP Zenica da se obaveza poslodavca da osigura troškove periodičnog ljekarskog pregleda (najmanje jednom u dvije godine) radnika koji rade noću, u JU BNP Zenica odnosi na pet (5) radnika portirske službe. Radi utvrđivanja načina provedbe i cijene ljekarskog pregleda, nadležnim javnim i privatnim zdravstvenim institucijama bit će upućen zahtjev za dostavu ponude. U skladu sa prethodnim, realizacija i upućivanje radnika na ljekarski pregled planiran je u periodu od 15. do 19. 04. 2024. godine.

U narednom periodu, u skladu sa finansijskim mogućnostima, nastojali bi se omogućiti troškovi sistematskog pregleda i za ostale radnike i radnice JU BNP Zenica.

ZAKLJUČAK: Upravni odbor JU BNP Zenica prima na znanje dostavljenu informaciju.

7. Informacija o postavci vanjskog LCD reklamnog ekrana/displeja – izvjestilac: direktor JU BNP Zenica;

Informacija: Direktor JU BNP Zenica obavještava Upravni odbor da je nakon provedenog postupka javne nabavke i izbora najpovoljnijeg ponuđača u datom roku dostavljen vanjski reklamni ekran/displej. Radi njegove postavke, koja je uključena u cijenu ponuđača, neophodna je bila provedba pripremnih radnji koje uključuju prilagodbu i postavku elektrokablova. Postavka i stavljanje u funkciju uspješno je okončano. Takođe, direktor obavještava Upravni odbor JU BNP Zenica da će LCD ekran biti osiguran, a troškovi osiguranja upravo su obezbijedeni kroz povrat dijela sredstava u visini od 15% od ukupno isplaćenih na ime osiguranja u 2024. godini.

Što se tiče osiguranja objekta JU BNP Zenica i dijela imovina, isto bi na godišnjem nivou iznosilo =6.000,00 KM, sa isplatom mjesečnih rata, što je obaveza koju bi JU BNP Zenica mogla preuzeti.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda.

8. Razno

Informacija 1: Na inicijativu predstavnika Udruženja paraplegičara i oboljelih od dječije paralize Zenica, predložena je prilagodba, odnosno izgradnja rampe koja bi licima sa invaliditetom omogućila pristup i Maloj sceni „Žarko Mijatović“ JU BNP Zenica. S obzirom da je za daljnju realizaciju ovog prijedloga neophodna izrada projekta i predračuna radova, prvenstveno će biti neophodno osigurati sredstva za tu fazu realizacije.

Informacija 2: S obzirom da je uočena potreba sanacije postojećeg lifta za lica sa invaliditetom i nabavke potrebnih dijelova za istu, neophodno je ovu nabavku uvrstiti u Plan javnih nabavki za 2024. godinu. Visina troškova sanacije iznosi oko =2.000,00 KM, a iste će obezbijediti JU BNP Zenica.

Informacija 3: Na adresu Grada Zenica i JU BNP Zenica stigla je obavijest o mogućnosti uvrštavanja zgrade JU BNP Zenica u nacionalne spomenike BiH, a prema odluci Komisije za očuvanje nacionalnih spomenika BiH. Nadležna služba Grada Zenica smatra da je prvenstveno okončati realizaciju planiranih infrastrukturnih ulaganja, a isto bi bilo otežano nakon utvrđivanja statusa nacionalnog spomenika s obzirom da Komisija utvrđuje zatečeno stanje oko i unutar objekta i koje prilikom naknadnih reparacija i sanacija mora u cjelosti odgovarati originalnom. U tom slučaju nameće se pitanje osiguranja neophodnih sredstava i pronalazak originalnih materijala i drugo.

Član Adis M. ističe mogućnost da bi u tom slučaju obavezu osiguranja sredstava imala Komisija za očuvanje nacionalnih spomenika, odnosno druge organizacije koje pružaju mogućnost apliciranja na namjenska sredstva u navedene svrhe.

U skladu sa prethodnim, direktor JU BNP Zenica ističe da bi postupak sticanja statusa nacionalnog spomenika trebao biti za sada prolongiran, a prema upućenom dopisu nadležne službe Grada Zenica.

Informacija 4: Prema obavijesti nadležne službe Grada Zenica, ukazano je na obavezu izrade energijskog certifikata nestambene zgrade. U postupku direktnog sporazuma izabran je ponuđač sa

ponudom u visini =3.416,40 KM sa uračunatim PDV-om. Navedeni dokument je pripremljen i prosljeđen na uvid Gradu Zenica.

Informacija 5: Direktor JU BNP Zenica obavještava Upravni odbor da je objavljen poziv Federalnog zavoda za zapošljavanje 2024. S obzirom na iskazano interesovanje mlade glumice Tamare Miličević-Stilić, saradnice koja je svoj pripravnički staž završila angažmanom u JU BNP Zenica, 18. marta 2024. godine aplicirano je na pomenuta sredstava u okviru jedine mjere „Periodično/sezonsko zapošljavanje“, a za koju su bili ispunjeni prethodno utvrđeni uslovi. Imenovana će biti angažovana na period od šest (6) mjeseci.

ZAKLJUČAK: Upravni odbor JU BNP Zenica prima na znanje dostavljene informacije u okviru ove tačke dnevnog reda, te daje jednoglasnu saglasnost u dijelu Informacija 1 i 2.

Sjednica je zaključena u 16.55 h.

ZAPISNIČARKA

**PREDSJEDNICA UPRAVNOG ODBORA
JU BNP ZENICA**

Selma Tabaković-Jašar

Una Kulenović

Zapisnik je sačinjen na četiri (4) numerirane stranice.

Zenica, 25. 03. 2024. godine
Broj: 389/24